



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

Tribunál Distritál Dili

26 Feveiru 2015

Tribunál hala'o julgamentu movél iha edifisiu Tribunál antigu Distritu Ermera

Iha 23 Feveiru 2015, Tribunál Distritál Dili, julga kazu 3 liuhosi julgamentu movél iha Distritu Ermera.

Kazu 3 ne'e involve krime ofensa ba integridade fízika simples 1, ofensa ba integridade fízika grave 1, no kazu ida seluk violasaun seksuál tribunál adia julgamentu ba fulan Jullu 2015, ho razaun tanba (arguidu, lezada no testamuña) sira la kumpri notifikasaun.

“JSMP fiar katak julgamentu movel ne'ebé realiza iha distritu sira produs impaktu pozitivu ba iha sistema justisa,” dehan Diretór Ezekutivu JSMP Luis de Oliveira Sampaio.

JSMP apresia tribunál tanba kontinua hakbesik julgamentu movél ba comunidade. Mekanismu ida ne'e bele fó hanoin ba comunidade katak sistema justisa formal funsiona duni mesmu ho dezafiu oioin. Prosesu ne'e mós bele konsidera hanesan mekanismu ida atu sosializa lei ba comunidade.

Relasiona ho kazu rua ne'ebé tribunál julga, ba kazu krime ofensa ba integridade fízika simples tribunál kondena ho pena prizaun fulan 6 suspende ba tinan 1 no apresentasaun periódiku fulan ida dala rua durante fulan tolu.

Enkuantu ba kazu krime ofensa ba integridade fízika grave, tribunál kondena ho pena prizaun tinan 3 suspende ba tinan 4 no selu mós indemnizasaun sivíl US\$ 4000 ba lezada tanba arguidu provadu taa kanek lezada nia ulun.

Rua setubal, Colmera, Dili Timor Leste

PoBox: 275

Telefone: 3323883

info@jsmp.minihub.org

www.jsmp.tl

Facebook: www.facebook.com/timorleste.jsmp

Twitter: @JSMPtl

Julgamentu movel ne'e prejide husi juis Dr. Antonio Helder do Carmo, Dra. Jumiaty Freitas no Dr. Nasson Sarmiento (juis estajiáriu). Ministériu Públiku representa husi Dr. Matias Soares no arguidu sira la akompaña husi sira-nia defeza tanbá defeza la marka prezensa iha julgamentu movel ne'e.

Atu hetan informasaun liutan bele kontaktu ba:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
Telefone:3323883 | 77295795